

ՍԻԱՍՆԱԿԱՆ ՔՆՆՈՒԹՅՈՒՆ

2014

ՀԱՅՈՑ ԼԵԶՈՒ ԵՎ ՀԱՅ ԳՐԱԿԱՆՈՒԹՅՈՒՆ

ԹԵՍ 1

Խմբի համարը

Նստարանի համարը

Հարգելի՝ ղիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով Դուք կարող եք այն բաց քողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը Դուք ազատորեն կարող եք օգտագործել սևագրության համար: **Թեստ-գրքույկը չի ստուգվում: Ստուգվում է միայն պատասխանների ճնարուղը:**

Առաջադրանքները կատարելուց հետո չմոռանար պատասխանները ուշադիր և խնամքով նշել պատասխանների ճնարուղում: Պատասխանների ճնարուղի ճիշտ լրացումից է կախված Ձեր քննական միավորը:

Ցանկանում ենք հաջողություն:

Ա մակարդակ

1 Ո՞ր շարքի բոլոր բառերում է գրվում ը.

- 1) մթ-նկա, զահ-նկեց, այլ-նտրանք, խոչ-նղոտ
- 2) ան-նկեր, մարտ-նչել, դանդաղ-նթաց, ան-նղունակ
- 3) հնդկ-նկույզ, երկ-նտրանք, ան-ստգյուտ, ճեպ-նթաց
- 4) որոտ-նղոստ, ան-նղմեց, ան-նտել, ակ-նղեստ

2 Ո՞ր շարքի բոլոր բառերում է գրվում մ.

- 1) ը-բոնել, ա-պամած, թու-բ, զա-փո
- 2) ա-փոփել, հա-բավ, ա-բարտավան, ա-բավ
- 3) ա-քիոն, ա-բոխ, բա-քիո, ա-բասիր
- 4) ճա-փա, թ-թիկ, զա-քիկ, ա-բարբառ

3 Ո՞ր շարքի բոլոր բառերի բաղադրիչներն են գրվում միասին.

- 1) առ(ընթեր), երկ(կողմ), շարվե(շարան), հազիվ(հազ)
- 2) հետ(այսու), ամսե(ամիս), ըստ(այնմ), ի(սպառ)
- 3) ափ(հանում), ի(հեճուկս), հյուսիս(արևմտյան), խառն(ի)խուռն
- 4) ի(մի)բերել, վարսուն(մեկ), գեր(ծանր), գլուխ(գործոց)

4 Ո՞ր շարքի բառերի (բառակապակցությունների) բոլոր բաղադրիչներն են գրվում մեծատառով.

- 1) ԱՖՂԱՍՍԱՆԻ ԻՍԼԱՍԱԿԱՆ ՊԵՏՈՒԹՅՈՒՆ, ՄԵԾ ՍԱՍԻՍ, ԴՐԱՆԻ ՈՂՈՍՈՎ, ՖՐԱՆՑ ՎԵՐՖԵԼ
- 2) ՆԻԺՆԻ ՆՈՎԳՈՐՈԴ, ԳՐԻԳՈՐ ԼՈՒՍԱՎՈՐԻՉ, ԶՈՐԻ ՄԻՐՈ, ԿԱՊՈՒՏԱՆ ԼԻՇ
- 3) ԱՇՈՏ ԲԱԳՐԱՏՈՒՆԻ, ԼԱ ՍԱՆԾ, ԶԵՆՈՎ ՕՀԱՆ, ԱՐԱԳԱԾՈՏՆԻ ՍԱՐՁ
- 4) ՎՈԼՖԳԱՆԳ ԳՅՈՒԹԵ, ՀԻՆ ՀՈՒՆԱՍՍԱՆ, ԵՌՅԱԿ ԴԱՇԻՆՔ, ՀԱՅԿԱԿԱՆ ՏԱՎՐՈՍ

5 Ո՞ր շարքի բոլոր բառերն են իրար հոմանիշ:

- 1) դրվատել, կշտամբել, պախարակել, դատափետել
- 2) խանդաղատանք, փաղաքշանք, գորովանք, սերևերանք
- 3) բիրտ, դժնյա, անողոք, անազորույն
- 4) անշեց, մշտաբորք, անմար, անխոտորք

6 Ո՞ր շարքի ոչ բոլոր բառազույգերն են կազմված հականիշներից.

- 1) գիտուն-թերուս, նոսր-խիտ, ծածկամիտ-բացբերան
- 2) բուժիչ-ախտածին, օրինել-բանադրել, կարծրատիպ-ազատախոհ
- 3) նշանակալի-չնշին, հիհասթափություն-ոգևորություն, խելամիտ-անկշռադատ
- 4) շնորհաշատ-տաղանդազուրկ, աղմկոտ-հանդարտ, պղծված-սրբազործված

7

Ո՞ր նախադասության մեջ բառագործածության սխալ կա:

- 1) Ակութներում հանգան վերջին կրակները, և վրանախումքը ընկղմվեց խավարի մեջ:
- 2) Դժվար էր առանց սարսուի նայել հողածածկ այդ խուղերի մեջ բնակվող մարդկանց դեմքերին:
- 3) Հայ ժողովուրդն իր խորին երախտիքն է հայտնում Ֆրանսիային՝ ցեղասպանության ժխտումը քրեականացնող օրինագիծ ընդունելու համար:
- 4) Ավանդությունը մեզ է փոխանցել այս պատմությունը հերոս իշխանի մասին:

8

Ո՞ր շարքի բոլոր բառերն են կազմությամբ ածանցավոր:

- 1) համահունչ, կապկամարդ, ուսումնատենչ, կայուն
- 2) նոնականետ, ինքնահավան, շքեղազարդ, վերիուշ
- 3) խցան, ընդունակ, միջոց, ապերասան
- 4) մեծահասակ, բացատ, մոխրագույն, մրցավազք

9

Ո՞ր շարքի բոլոր բառերի հոգնակի թիվն է կազմվում -եր վերջավորությամբ:

- 1) գծագիր, առանձնատուն, կաղնեփայտ, շնաձուկ
- 2) սաղցաշերտ, իմանապատ, մեղրամոմ, դեղաբույս
- 3) նախագիծ, որսաշուն, պատմագիր, մեծատառ
- 4) գարեջուր, ակնարիթ, ընդդիմախոս, որմնասյուն

10

Ո՞ր նախադասության մեջ թվական կա:

- 1) Մեզ համարներ տվեցին ու խմբերի բաժանեցին. զույգ թվակիրները մի քանի քայլ առաջ եկան:
- 2) Ինձ խմբի ավագ նշանակեցին, ու ես տեսա, որ թեկուզ փոքրիկ, թեկուզ յոթհոգանց խմբի գլուխ կանգնելն ինձ դուր է զալիս:
- 3) Դասարանների միջև անցկացվող մրցությունն ավարտվեց, և նրանք՝ և՛ պարտված ութերորդցիները, և՛ հաղթած յոթերորդցիները, բարձր աղաղակեցին:
- 4) Ուսուցչուհին հրահանգեց, որ առաջին շարքը պիտի վազի մինչև աղբյուր, մյուսը՝ սղոցարաններ:

11

Ո՞ր նախադասության մեջ դերանուն չկա:

- 1) Տեսնելով ախոռապետի լվտիությունը՝ Վասակը՝ իբրև արժանապատիվ հայորի, ապշում է և մտածում, որ հայերը երբեք նման բան չեն անի:
- 2) Փայտահատը հետ քաշվեց ու սոսկումով նայում էր, թե ինչպես են վերքից ընկնում կաթիճները՝ մերք կարմիր արյան նման, մերք վճիռ արցունքի պես:
- 3) Օրերից մի օր Արշակը սպարապետի հետ գնում է՝ շրջելու Շապուհի ախոռներում, որտեղ պահպում էին ցեղական հազվագյուտ նժույգներ:
- 4) Թագավորը տագնապած ու հուզակոռվ հայտնում է բոլորին, որ խուճապի մեջ չընկնեն և սպասեն նոր լուրերի

12

Ո՞ր նախադասության մեջ դերանվան սխալ գործածություն կա:

- 1) Իմ վրայի թծերը ցույց տալուց առաջ մաքրի՛ր ձեռքերդ:
- 2) Սույնով հայտնում ենք մեր շնորհակալությունը Ձերդ մեծությանը՝ մեր հրավերն ընդունելու համար:
- 3) Գործարանի ամրող բանվորների շրջանում տարածվում էր ըմբուտության ալիքը:
- 4) Ոչ մեկը չէր հասկանում՝ ինչն էր նրա զայրույթի պատճառը:

13 Ո՞ր նախադասության մեջ կրավորական սեռի բայ կա:

- 1) Նա գլխարաց էր, երեսը՝ անվա, աչքերի սպիտակուցները՝ դեղնած, մազերը՝ զգգված, դեմքը՝ մագաղաքի պես գունատ:
- 2) Լևոնը փաթաթվեց մոր պարանոցին և սկսեց բարձր ճայնով հեծկլտալ:
- 3) Զգացի, որ տղան շատ վլորվվեց իմ այդ խոսքից, և վորձեցի մեղմել անհաճող իրավիճակը:
- 4) Նա վաղուց էր ինձ խոստովանել, թե սիրահարված է այդ աղջկան:

14 Տրված հատվածներից քանիս՝ անվանական անդեմ նախադասություն կա:

- Անուժ ցավի ցուրտ կապար...
Մահացողի տխուր կյանք.
Անմիտիք ր, անսպա՞ն
Վիատության հեկեկանք...
 - Լոռությո՞ւն, լռությո՞ւն, լռությո՞ւն անսահման:
 - Ուկե տեսիլնե՞ր, անուրջների լո՞ւս:
 - Լինե՞ր հեռու մի անկյուն,
Լինե՞ր մանկան արդար քուն:
- 1) մեկում
 - 2) երկուսում
 - 3) երեքում
 - 4) չորսում

15 Ո՞ր նախադասության ընդգծված բառն է ենթակա:

- 1) **Տնօրեն** Հակոբյանի և այցելուի միջև սկսվեց մի հետաքրքիր բանավեճ:
- 2) Փոքրիկն անզգուշորեն կպավ սեղանին և **քածակը** կոտրեց:
- 3) Ապրել ազնիվ, աշխատել նվիրումով, օգտակար լինել մարդկանց. **սրանք** էին ավագ ընկերոջս կարգախոսները:
- 4) Կախարդական մի **շղթա** կա երկնքում
Աներևույթ, որպես ցավը խոր հոգու:

16 Ո՞ր նախադասության մեջ բաղադրյալ ստորոգյալ կա:

- 1) Ժողովուրդը հեքիաթների մեջ է արտահայտում իր իղձերը:
- 2) Փոքր գրողները հավերժական հանճարների լուծը կրողն են:
- 3) Ես կցանկանայի, որ հայ ժողովուրդը բարձր պահեր ազգային արժանապատվությունը:
- 4) Բայց, անշուշտ, բանը բանից անցել էր:

17 Ո՞ր նախադասության մեջ դերանունով արտահայտված որոշիչ չկա:

- 1) Իմ աչքերի մեջ այնքա՞ն կրակներ եմ մարել ես:
- 2) Ես երգել եմ քո հոգին, քո ժայիտը լուսավոր:
- 3) Սիայն գիտեն, որ կյանքում ինչ-որ երգեր եմ գրել:
- 4) Բայց շուրջս քող որքան կուզե աշխարհը այս խնդա, ցնդի:

18

Ո՞ր նախադասության մեջ քայական անդամի լրացում չկա:

- 1) Ժամանակները խառն են ու խրթին. ուժգին հողմը ննջում է, մեղմ հովը՝ ըմբոստանում:
- 2) Գետի վշշոցը ներքևում դառնում է շառաչ:
- 3) Հավերն աղոքը են անում քնելուց առաջ:
- 4) Որտե՞ղ են ննջում իմ վաղնջական առավոտները:

19

**Ո՞ր նախադասության մեջ ընդգծվածը դերբայական դարձված չէ
(նախադասությունները կետադրված չեն):**

- 1) Կամքջի վրայով անցնելիս աջ ու ձախ չէր նայում:
- 2) Անիրածեշտ էր մի քանի օրով զյուր գնալ:
- 3) Քայլ այգեպանը շդադարեց այզին մշակել:
- 4) Ծերունին քափ տվեց ոտքերի փոշին և առանց շրջվելու հեռացավ քաղաքից:

20

Ո՞ր նախադասության մեջ միջակետ չպիտի դրվի (նախադասությունները կետադրված չեն):

- 1) Այս հարցը կարող է անհեթեր ու տաղտկալի թվալ կամ էլ ապշեցնել ու հանկարծակի բերել չէ որ միշտ մեր մոլորակի մի կողմում ցերեկ է մյուս կողմում գիշեր:
- 2) Հենց որ դասագրքերը բաժանեցին ուսուցչուհին նա մի նիհար սուր քրով օրիորդ էր պատվիրեց քացել ուսունիններորդ էջը:
- 3) Մյուս դանդաղաշարժը ամրակուր կրիան փոքր-ինչ գերազանցում է խխունջին նա ունի յոթ մետր-ժամ արագություն:
- 4) Նա փղձկաց վաղուց կարիք էր զգում ազատվելու հոգեկան ծանր բեռից:

21

Պարբերությունները նշող թվերի դասավորության ո՞ր տարբերակն է համապատասխանում շարադրանքի (տեքստի) տրամաբանական և քերականական ճիշտ կառուցվածքին:

1. Հնչյունական ամենահին գիրը սեպագիրն է: Այժմ, երբ սովորում ենք իին սեպագրերը կարդալ, իմանում ենք նաև այն լեզվի բառերը, որով գրված են տվյալ սեպագրերը: Այս գիրը կոչվում է սեպագիր, քանի որ կազմված է սեպածն նշաններից: Կան երեք տեսակի սեպագրեր՝ վանկագրեր, գաղափարագրեր, ինչպես և որոշիչներ, որոնք ցույց են տալիս տվյալ սեպագրի ինչ լինելը՝ երկիր, քաղաք, գետ և այլն:
2. Պատկերագրերն ու գաղափարագրերը հնչյունական գիր չեն, այսինքն՝ որևէ լեզվի բառեր չեն արտահայտում: Սենք կարող ենք սովորել այդ գրերը կարդալ, քայլ շիմանալ, թե ինչպես են հնչել այդ գրերով նշանակված բառերը:
3. Պատկերագրերից հետո մարդիկ անցան գաղափարագրերին: Գաղափարագիրն արդեն մի քայլ առաջ էր պատկերագրից: Նրա նշանները նույնպես պատկերներ էին, քայլ գաղափարագրերի տվյալ պատկերը կարող էր ունենալ մի քանի նշանակություն:
4. Գրերի շատ տեսակներ կան: Ամենահին տեսակը պատկերագիրն է: Մարդիկ ժայռի կամ քարի վրա նկարում էին որևէ կենդանի առարկա հենց այդ կենդանու կամ առարկայի իմաստով: Օրինակ, նկարում էին այծ, որը հենց այծ էլ նշանակում էր:

- 1) 4, 3, 2, 1
- 2) 2, 1, 4, 3
- 3) 4, 1, 3, 2
- 4) 2, 1, 3, 4

22

Ո՞ր ստեղծագործությունից է տրված հատվածը:

«Եվ տեսնում է ոչ երազ քնի մեջ, ոչ տեսիլը արթնության մեջ, այլ սրտի գործարանում նրա հոգու աչքերին երևում է աջ ձեռքի բար բարի վրա գրելիս, այնպես որ բարը գծերի հետքը պահում էր, ինչպես ձյունի վրա»:

- 1) «Վերք Հայաստանի», Խաչատուր Աբովյան
- 2) «Սամվել», Շաֆֆի
- 3) «Հարդանանք», Դերենիկ Դեմիրճյան
- 4) «Հայոց պատմություն», Մովսես Խորենացի

23

Ո՞ր հատվածն է Նահապետ Ջուշակի «Ես աչք ու դու լոյս, հոգի» հայրենից:

- 1) Ապա յիմ սրտես ի դուրս՝
յերկրոք յերկիր թափեցաւ...
- 2) Երբ զիս ի քենէ զատեն,
քան զմեռնելն այլ ճար չի լինի:
- 3) Երեկ ցորեկով բարով
տանեին մէկ եար մի ճորով...
- 4) Մըտիկ իմ եարին արէք,
զինչ հազեր՝ ամէնն է կանանչ...

24

Նշված հարցադրումներից ո՞րը չկա Խաչատուր Աբովյանի «Վերք Հայաստանի» վեպի «Հառաջարանում»:

- 1) Ակարագրել ժողովրդի կյանքն ու նվիրական զգացմունքները՝ սերը, բարեկամությունը, ծնողասիրությունը
- 2) Ներկայացնել կրոնի երկրորդական դերը հայ ժողովրդի գոյության հարցում
- 3) Կենդանություն տալ անձնազնի հայորդիների գործերին
- 4) արթնացնել հայոց ազգային արժանապատվության զգացումը

25

Քաֆֆու «Սամվել» պատմավեպի ո՞ր գլխում է պատկերվում Սամվելի և նրա սիրած աղջկա՝ Աշխենի հանդիպումը:

- 1) «Տարոնի առավոտը»
- 2) «Կնոջ խորհուրդը»
- 3) «Արաքսի որոգայթները»
- 4) «Արտասուրի աղբյուրը»

26

Մուրացանի «Գևորգ Մարզպետունի» պատմավեպի ո՞ր հերոսի ուխտն է.

«Ես չեմ վերադառնա իմ ընտանյաց զիրկը այնքան ժամանակ, քանի դեռ վերջին հազարացին հալածված չէ հայրենիքի սահմաններից»:

- 1) Աշոտ Երկարի
- 2) Գևորգ Մարզպետունու
- 3) Վահրամ սեպուհի
- 4) Ցլիկ Ամրամի

27

Ալեքսանդր Շիրվանզաղեի «Զառու» վեպի ո՞ր կերպարի մասին է հետևյալ հեղինակային խոսքը.

«Նա կանգնած էր երկու մարդու միջև՝ մեկը՝ միլիոնների ժառանգը, մյուսը՝ այն աղքատ երիտասարդը, որ իր բնտանիքը պահում էր մասնավոր դասերով»:

- 1) Սիրայելի
- 2) Մարութիսանյանի
- 3) Սմբատի
- 4) Արշակի

28

Դանիել Վարուժանի ո՞ր բանաստեղծություններից են տրված հատվածները:

- | | |
|--|---|
| <p>ա. Ու պայքա՞ր, պայքա՞ր, պայքա՞ր երգեցի.
 -Ձեզի ընծա՞ր, հայ մարտիկներ-
 Գրիշ եղավ անքորց սրբություն հնոցի...
 - Ձեզի ընծա՞ր, քաջ մարտիկներ...</p> | <p>1. «Հունձք կը ժողվեմ...»
 2. «Չոն»</p> |
| <p>բ. Գյուղակներեն հորիզոնները մինչև
 Կը տարածվի մեր մայրությունը հողի.
 Գարունն եկա՞վ, չի բավեր ձյունը թերև
 Ալ ծածկելու մեր մերկությունը հղի:</p> | <p>3. «Յորյանի ծովեր»</p> |
| <p>գ. Ցորեն, կակաչ, կարտով,
 -Կաքավը կու լա,
 Կապեցի մեկ նարոսով,
 -Ձեռքերն են հինա:</p> | <p>4. «Արտերուն հրավերը»</p> |
| <p>դ. Հովե՞ր կ'անցնին.
 Այնքան կ'հորդի, կը կատղի դաշտը հուորի,
 Որ պիտի հոն արածող ուլը խեղդի:
 Գոզին մեջեն ալեծածան հովհանին
 Ծովե՞ր կանցնին:</p> | |
| <p>1) ա- 2, բ- 3, գ- 4, դ-1
 2) ա- 1, բ- 3, գ- 4, դ-1
 3) ա- 2, բ- 4, գ- 1, դ-3
 4) ա- 3, բ- 2, գ- 1, դ-4</p> | |

29

Հատվածներից ո՞րը Վահան Տերյանի բանաստեղծություններից չէ:

- 1) Ծաղիկների մեջ այդ անուրջ կույսի շշուկը մնաց.
 Եվ ծաղիկները այդ սուրբ շշուկով իմ սիրտը լցրին...
- 2) Իջնում է նա հուշիկ, որպես իրիկուն,
 Օղակելով լույս աստղերը մեկմեկու:
- 3) Լուսամփոփի պես աղջիկ, աստվածանոր աչքերով,
 Թոքախատավոր, քափանցիկ, մարմնի պես երազի...
- 4) Բարբարոսներ շատ կըգան ու կանցնեն անհետ,
 Արքայական խոսքը մեր կըմնա հավետ:

30

Տրված հատվածներից ո՞րն է Ավետիք Իսահակյանի «Արու-Լալա Մահարի» պոեմից:

- 1) ԵՎ անապատում, և հավերժական
Անուրջում հոգիս կլսե, կզգա
Ղողանջը զանգի տիեզերական
Եվ մեղմ կզգվե տատասկին դժնյա:
- 2) Գնա՛, քարավա՛ն, ինձ հետդ քա՛րշ տուր
Օսար, անայի ճամփերի վրա.
Ուրտեղ կհոգնիս՝ գլուխս վար դիր
Ժեռ-քարերի մեջ, վշերի վրա:
- 3) Ո՛չ իշխանություն, ո՛չ կոհիվ, ո՛չ կին
Չեն հափշտակում հիվանդ իմ հոգին:
Ղողանջն է միայն ձիգ քարավանի
Հեռավոր, անհայտ ճանապարհների
Հրապույրներով դյութում իմ հոգին
Թափառումների տենչով անմեկին...
- 4) Գիշերն ահարկու՝ և սև, և հսկա, մի չղջիկի պես թևերը փոռեց,
Անձիր թևերը իջան, ծածկեցին քարավանն, ուղին և դաշտերն անափ:

31

Եղիշե Զարենցի «Տաղ անձնական» բանաստեղծության ո՞ր բառն է բաց բողած:

Դեպի երկի նր պիտի զնամ, դեպի եզերքը –
Իմ բա՛րձը, հին ու աստղային երազների ճանապարհով...

- 1) Ամեհի
- 2) Ամենտի
- 3) Բարձունքի
- 4) Ամհունի

32

Ո՞ր բառը պետք է տեղադրել բաց բողած տեղում:

Փայտահատը իին երգն էր կրկնում
Եվ տաք սղոցն էր յուղում իր կրկին,
Թեղին անտարբեր ականջ էր դնում
Տապալված կաղնու խուլ :

- 1) տառապանքին
- 2) հառաչանքին
- 3) արձագանքին
- 4) չարչարանքին

33

Բառերից քանիսո՞ւմ ի ձայնավորի հնչյունափոխություն կա.

ընկնել, ընչացք, ընչաքաղց, ընդունակ, ընձուղտ, ընկեր:

34

Տրվածներից քանի՞սը ունեն իրենց համանունը.

մկան, թոռ, կար, ջոկ, ստեր, դամակ, դաս, երգ, երգեր, պատի:

35

Տրվածներից քանի՞ն են սահմանական եղանակի ժամանակաձևեր.

ասում են, դատնալու է, մոտեցան, վերցրի, գիտեին, հանգստանայիր, սառչեմ, կզարմանայի, չփոշմանեցի, չխաղաս, չես նեղանա, չի պատասխանելու:

36

Տրվածներից քանի՞ն են բաղադրյալ ժամանակաձևեր.

ցավ զգաց, երգչուիի պիտի դառնամ, մի՛ վիատվիր, չի հավատա, չպետք է ներես, երես մի՛ տուր, պետք է զնամ, տարավ-բերեց, ցավ կապրեմ, հարց չեմ տա:

37

Տրված հատվածում գոյականական անդամի քանի՞ լրացում կա:

Երեկոն թանձրանում էր Ավարայրի դաշտավայրում: Պարսից զորքը սկսեց գունդ առ գունդ առաջանալ դեպի գետի եզերքը: Հայկական զորքանակը նոյնպես սկսեց տեղաշարժվել, մեջընդմեջ դասավորվել՝ խիտ շարքեր կազմելով: Վարդանը երկար խորհում էր և խորհրդակցում՝ ում նշանակի որպես զորագլուխ:

38

Նախադասություններից քանիսո՞ւմ կետադրական սխալ կա:

- Մենք եղենքների մեջ թաքնված՝ հետևում էինք այդ բռչունների խելացի որսին:
- Բայց որքան հեռանում էր, այնքան ավելի էր զգում ինչ—որ մեկի անհանգստություն պատճառող ներկայությունը:
- Եթե հնարավոր լիներ այդ րոպեին գնալ որևէ տեղ և թեկուզ ամբողջ կյանքում բոլորովին մենակ մնար, ապա նա դա կհամարեր երջանիկ ապաշխարություն:
- Բայց վերջում հանկարծ անհանգստացավ, ու խղճի՝ մի պահ քնած խայթը նորից արթնացավ:

39

Նշել այն բառերի համարները, որոնցում հնչյունափոխություն կա.

1. դիտողություն, 2. գործնական, 3. պիտանի, 4. հանդիսատես, 5. բարեկամական, 6. հետաքրքրություն, 7. ընթացիկ, 8. արդյունավետ, 9. ուսանողական:

40

Նշել այն բառերի համարները, որոնք կազմությամբ ածանցավոր են.

1. աղամանդ, 2. նոնենի, 3. որևէ, 4. հորդարուխ, 5. լուսավառ, 6. ահեղ, 7. մահակ, 8. տարբեր, 9. հյուլե:

41

Նշել այն տարբերակների համարները, որոնցում նախադասության անդամների ձևաբանական վերլուծության սխալ չկա:

Բարու գալով՝ մի օր հանդիպեցի ուսուցչիս. որքա՞ն փոխվել էր նա. զգզգված մորուքը ճերմակել էր բամբակի պես, արագաշարժ ոտքերը բուլացել էին, վառվորուն աչքերը մարել էին մեռած աստղերի պես:

1. **գալով** - անկանոն բայ, անորոշ դերբայ, **մի** - անորոշ դերանուն
2. **բուլացել էին** - ե խոնարհման բաղադրյալ բայաձև, վաղակատար անցյալ, **որքա՞ն** - հարցական դերանուն
3. **զգզգված** - հարակատար դերբայ, չեզոք սեռ, **պես** - կապ, հետադրություն
4. **արագաշարժ** - մակրայ, **մարել էին** - դիմավոր բայ, սահմանական եղանակ
5. **վառվորուն** - ածական, **մեռած** - ե խոնարհման բայ, չեզոք սեռ

42

Նշել պարզ նախադասությունների համարները:

1. Թագավորն ընկավ մտածմունքների մեջ և մորուսով ծնոտը հենեց աջին:
2. Ամենքը հետաքրքրված առաջ էին գալիս՝ տեսնելու սպանվածի կնոջը՝ անձանոք իշխանություն:
3. Արշակը շփորչված մտածում էր այդ լուրը ամբողջ երկրում տարածելու և ամեն տեղ հասցնելու մասին:
4. Չանցած մի քանի վայրկյան՝ ներս մտավ իշխանը՝ ըստ սովորության՝ ձգված կանգնելով բոլորի առջև:
5. Հայ ժողովուրդը՝ անզեն, սակավաթիվ, անպաշտպան, սարսափի ու անորոշության մեջ էր:
6. Բայց այդ առյուծը իր ծերուկ ծնողի առջև գառնուկի պես հեզ է, իր գյուղի աղջիկների դիմաց շիկնում է ամորթիսած:

43

Նշել այն պատկերավորման–արտահայտչական միջոցների համարները, որոնք գործածվել են տրված հատվածում.

1. համեմատություն, 2. չափազանցություն, 3. փոխարերություն, 4. անձնավորում, 5. հանգավորում:

Իմ քախիծն էլ այն ամպի պես
Ցնորում է քնքշաբար,
Բոցավառվում՝ հիշելով քեզ
Եվ արտասկում քեզ համար:

44

Նշել այն համարները, որոնցում նշված են հատվածներ Ակսել Քակունցի «Ալպիական մանուշակ» պատմվածքից:

1. Առաջին ձիավորը աչքը պարիսպներից չէր հեռացնում: Նրա գլխում քերդի պատմությունն էր, մազաղաթյա մատյաններում գրած խոսքերը իշխանական օրերի մապին...
2. Ինչո՞ւ եկավ այգին, արդյոք Սոնան մանկության առվակի ջրե՞րն էր կարոտել, քե՞զ պատահմամբ մոտեցավ հնձանի դռնակին՝ մտածելով, որ ներսն էլ ամայի է, ինչպես այգում:
3. Այդ ամենը կատարվեց մի վայրկյանում: Հաջորդ վայրկյանին մարդը գազազած արջի նման ոստյուն արեց, նրա մազոտ ձեռքերը սեղմեցին ծանր մահակը, և մահակն անստեղի բափով իջավ կնոջ թիկունքին:
4. Հենց այդ օրից ել գլխին կարմիր շոր կապած աղջիկը, որ մինչ այդ իմ քառասուն աշակերտներից մեկն էր, բոլորից ջոկվեց և իմ աչքում դարձավ այն կետը, որի շուրջ պտտվում էր իմ ներքին աշխարհը:

Տրված 6 պնդումներից յուրաքանչյուրի համար ընտրիք Շիշտ է, Մխալ է, Զգիտես տարրերակներից որևէ մեկը:

1. Հայերենը ունի տասը խոսքի մաս, որոնցից նյութական իմաստ են արտահայտում միայն գոյականը, ածականը, թվականը, դերանունը և բայը:
2. Կապերը և շաղկապները արտահայտում են հարաբերություններ, և դրանց մեջ մասը նախադասության անդամ չի դառնում:
3. Եղանակավորող բառերը (վերաբերականներ) արտահայտում են դատողական վերաբերմունք, իսկ ձայնարկությունները՝ զգացական:
4. Հայերենում դեմքի կարգը բնորոշ է բայերին և դերանուններին, իսկ եղանակի կարգը՝ եղանակավորող բառերին և բայերին:
5. Կան բառեր, որոնց խոսքիմասային պատկանելությունը նախադասությունից դուրս որոշելն անհնար է:
6. Գոյականը, ածականը, թվականը կարող են կիրառվել փոխանվանաբար:

Բ մակարդակ

46

Ո՞ր տարրերակում է տառի կամ տառակապակցության թվային արժեքը սխալ նշված.

- 1) ԼՌ - 34
- 2) ՍՀԶ - 276
- 3) ՍԹ - 2009
- 4) ԱՀԴ - 184

47

Ո՞ր շարքի բոլոր բառերում գաղտնավաճիկ կա.

- 1) գրքասեր, ոտնահարել, զվարճանալ, ձեռնրաց
- 2) չնշին, հակադրվել, կրթություն, կրնկակոխ
- 3) կոփամարտ, դասընկեր, գրախոս, գրավ
- 4) գոենիկ, անմիջաբար, անշրջահայաց, անմատչելի

48

Տրված բառերից քանիսո՞ւմ մեկից ավելի հնչյունավոխություն կա.

մրցակցություն, հրակայուն, կարծրանալ, շրբներկ, ծնրադրել, շրջադարձ, մտացրիկ, վշտարել, սնամեջ, բռնակցում:

- 1) չորսում
- 2) երեքում
- 3) երկուսում
- 4) հինգում

49

Տրված բառերից քանի՞ հոմանշային գույգ է հնարավոր կազմել.

մեղադրյալ, երկշոտ, կրղա, բուրյան, ապակե, բազին, եղանիկ, վեհերոտ, անդրավարտիք, գավար, եկեղեցի, տաքաստ:

- 1) մեկ
- 2) երկու
- 3) երեք
- 4) չորս

50

Ո՞ր շարքի ոչ բոլոր բառակապակցություններն են դարձվածքներ:

- 1) սունը քանդել, կարապի երգ, կատվի դրախտ
- 2) ձեռնոց նետել, երկու ոտքով կաղալ, սպիտակ ջարդ
- 3) երկու տիրոջ ծառա, գլուխը յուղել, սառույցը շարժել
- 4) սպիտակ ազոավ, սև կաշաղակ, ծեր աղվես

51

Ո՞ր շարքի բոլոր բառերն են կազմությամբ պարզ:

- 1) շաբար, նշխար, կրան, ամբարտակ
- 2) գողոն, գուշակ, եղունգ, նաժիշտ
- 3) կաղամբ, ընկույզ, բազում, սնուտի
- 4) բոժոժ, հելլեն, հրաման, երաշտ

52

Ո՞ր շարքի բոլոր բառերն են հապավումներ:

- 1) գյուղթղբակից, մուլտֆիլմ, բնակվարձ, ֆիզմաթ
- 2) ջրմուղ, սոցիարցում, խնայդրամարկղ, ուսմասվար
- 3) դրկից, պետապահովագրություն, Եվրախորհուրդ, ԿԲ
- 4) շինաղբ, մարզկենտրոն, բուժքույր, գաղթօջախ

53

Ո՞ր շարքի բոլոր բառերն են ենթարկվում միայն ի հոլովման:

- 1) լույս, կաղնի, մանուկ, տարի
- 2) ձի, մրրիկ, եզ, քաղաք
- 3) գնչու, ավերում, շաբաթ, ծագում
- 4) փոթորիկ, առու, վայրկյան, սարդ

54

Ո՞ր նախադասության մեջ դիմորդ հոդ կա:

- 1) Սրբազն, բող այսուհետև ոչ մի արհավիրք չխափանի աղոթքդ և եկեղեցուդ զանգերի դողանջը:
- 2) Սակայն հիշելով վերստին լույսիդ բարիքներն անհատ՝ Պարզեված քեզնից համար թշվառիս, Ըստ աղերսով քեզ պիտի պաղատեն...
- 3) Ազգային գրադարանում մեծարում էին ներկայիս ամենահամբավավոր բանաստեղծներից մեկին:
- 4) Օրերս անցնում էին միայնության մեջ, տաղտկալի ու միօրինակ:

55

Ո՞ր նախադասության մեջ Ժիտական դերբայ (Ճևաբայ) կա:

- 1) Երբ անտեղի հարց չեն տալիս, սուտ պատասխան չեն ստանում:
- 2) Զեր անցնում այդ փողոցով, որ պատահաբար չհանդիպի Աստղիկին:
- 3) Մենավոր իմ սիրտ, մոլորված թռչուն,
Կարուտիդ կանչը չի հասնի նրան:
- 4) Թե մորդ անգամ մտքից հանես,
Ըստ մայր լեզուն շնորանաս:

56

Հեռու բառը ո՞ր նախադասության մեջ մակրայ չէ:

- 1) Թե ինչպես հանկարծ նա գնաց հեռու,
Ել չի դառնալու, ել չի դառնալու:
- 2) Լինե՞ր հեռու մի անկյուն,
Լինե՞ր մանկան արդար քուն:
- 3) Ապրելուց քաղցր է մեռնել քեզ համար,
Զգալ, որ դու կաս, և լինել հեռու:
- 4) Պիտի անդարձ ես հեռանամ, պիտի գնամ. աչքս է հեռուն:

57

Նախադասության անդամների շարահյուսական վերլուծության ո՞ր տարրերակն է ճիշտ:

Կովկասի հայ բնակչության բոլոր խավերում ծայր առավ մի ծավալուն խանդավառություն:

1. բնակչության (ա. ենթակա, բ. հատկացուցիչ, գ. որոշիչ)
 2. բոլոր (ա. որոշիչ, բ. ձևի պարագա, գ. չափի պարագա)
 3. ծայր առավ (ա. քաղաքայալ ստորոգյալ, բ. պարզ ստորոգյալ, գ. ստորոգելի)
 4. խանդավառություն (ա. ուղիղ խնդիր, բ. հանգման խնդիր, գ. ենթակա)
- 1) 1-q, 2-q, 3-p, 4-q
 - 2) 1-p, 2-w, 3-p, 4-q
 - 3) 1-p, 2-p, 3-w, 4-w
 - 4) 1-w, 2-w, 3-w, 4-p

58

Պատասխանների ո՞ր տարրերակում են ճիշտ նշված քարդ նախադասությունների ստորադաս (Երկրորդական) նախադասությունների պաշտոնները (պաշտոններից մեկն ավելորդ է):

1. Դու այնպես ես խոսում, կարծես քեզ ոչինչ չի հետաքրքրում:
 2. Ես լուս հետևում էի, թե ինչպես էր նա հեռանում ինձանից:
 3. Պարզ երևում էր, որ բոլորը նրանից դժգոհ էին:
 4. Ինչու էր նա այլքան զայրացած՝ ես այդպես էլ շիասկացա:
- ա. ձևի պարագա
 - բ. ուղիղ խնդիր
 - գ. հանգման խնդիր
 - դ. ենթակա
 - ե. պատճառի պարագա
- 1) 1-p, 2-w, 3-q, 4-n
 - 2) 1-w, 2-q, 3-p, 4-t
 - 3) 1-w, 2-q, 3-n, 4-p
 - 4) 1-w, 2-q, 3-p, 4-n

59

Ո՞ր տարրերակում է քարդ ստորադասական նախադասությունը սխալ փոխակերպված պարզի:

- 1) *Մենք ապրում ենք Գորիսի մեր խրճիրում, որ հայրս էր մի երկու տարի առաջ կառուցել:*
Մենք ապրում ենք մի երկու տարի առաջ հորս կառուցած Գորիսի մեր խրճիրում:
- 2) *Այժմ ո՞ւմ սիրելի չէ Ակսել Բակունցի «Նամակ ոռուաց թագավորին» պատմվածքը, որը ասք է մարդկային մեծ կյանքի մեծ ողբերգության մասին:*
Այժմ ո՞ւմ սիրելի չէ Ակսել Բակունցի «Նամակ ոռուաց թագավորին» պատմվածքը՝ մարդկային մեծ կյանքի մեծ ողբերգության մասին ասքը:
- 3) *Մեր քաղաքի մարդիկ, որոնք տակավին չեն մոռացել հողագործությունը, մի փոքր անվտան են ձեռք տալիս մատղաշ ծառերին:*
Մեր քաղաքի՝ հողագործությունը տակավին չմոռացած մարդիկ մի փոքր անվտան են ձեռք տալիս մատղաշ ծառերին:
- 4) *Ինչ որ կատարվեց տաճարի պատերից դուրս՝ քաղաքի փողոցներում, անհնար էր նկարագրել:*
Տաճարի պատերից դուրս՝ քաղաքի փողոցներում կատարված անհնար էր նկարագրել:

60

Տրված պարզ (դերբայական դարձվածով) նախադասություններից ո՞րն է սխալ փոխակերպված բարդի:

- 1) *Որքա՞ն լավ է մարդկանց՝քեզ լիովին վստահելը:*
Որքա՞ն լավ է, եթե մարդիկ քեզ լիովին վստահում են:
- 2) *Թատրոնը չափից ավելի շատ սիրողը ի վերջոն խեղդում է իր սիրելիին:*
Նա, ով չափից ավելի շատ է սիրում թատրոնը, ի վերջոն խեղդում է իր սիրելիին:
- 3) *Հրատապ խնդիր է երկու թունելախորշերի միանալը ճիշտ ժամկետում:*
Հրատապ խնդիրն այն է, որ երկու թունելախորշերը միանան ճիշտ ժամկետում:
- 4) *Նրան հայտնի էր իր հին ընկերների՝ իրեն ստորաբար խարելը:*
Նրան հայտնի էր, որ իր հին ընկերներն իրեն ստորաբար խարել են:

61

Պատասխանների ո՞ր տարրերակում են ճիշտ նշված այն թվերը, որոնց տեղում քութ պիտի դրվի:

Սելանագույն թերև թիկնոցի մեջ պարուրված (1) աստվածային կեցվածքով (2) կանգնած էր Համլետը քեմի ձախակողմյան հատվածում (3) աչքերում արցունքի երկու խոշոր կարիլ (4) որոնց դիպչելով (5) էլեկտրական լույսի շողերը քեկվում լցվում էին դահլիճ (6) ցրելով մութք: Հետո եթե քեմում եղած մարդիկ հեռացան (7) նա մոտենալով իր նման սեազգեստ մնելին (8) շշնչաց վերջինիս ականջն ի վար Մարդ էր Հորացիո...

- 1) 1, 2, 3, 8
- 2) 1, 3, 5, 6
- 3) 2, 3, 5, 7
- 4) 2, 4, 5, 8

62

Ո՞ր խոսքը Հակոբ Պարոնյանի «Սեծապատիվ մուրացկանները» վեալի որ հերոսինն է:

1. «Արդարե, մայրաքաղաքս ինքզինքը բախտավոր համարելու է ձեզ պես պատվական ազգայինի մը... Հայրենասեր անձ մը... Ազգասեր, ուսայալ, կրթյալ... Ազնվասիրտ, ազնվախոհ, ազնվադեմ մեկ մը իր մեջ ունենալու համար»:
 2. «Ես ինքզինքս չեի կարծեր այնչափ մեծ մարդ, որչափ որ կկարծե այս խմբագիրն, բայց հարկավ ան ինձմե աղեկ գիտե իմ որչափ մեծ ըլլալս, վասնզի խմբագիր մ’է և ուսումնական է....»:
 3. «Կար ժամանակ մը, որ խավարը լուսոն դեմ կը կովեր, տղիտությունը գիտության դեմ, անցյալն ապառնիին դեմ, հրամայականը սահմանականին դեմ, սուրը գրիչի դեմ, ատելությունը սիրոն դեմ, կրակը ջուրին դեմ, միսը բանջարեղենին դեմ...»:
 4. «Աս շըլլար. միայն իրենց մորը արգանդին մեջ գտնվողները չունին իրենց պատկերը. եթե անոր ալ դյուրին մեկ ճամփան գտնեն, անոնց ալ պիտի հանեն»:
- 1) 1-դ, 2-բ, 3-գ, 4-ա
 - 2) 1-գ, 2-ա, 3-դ, 4-բ
 - 3) 1-ա, 2-դ, 3-բ, 4-գ
 - 4) 1-ա, 2-գ, 3-բ, 4-դ
- ա. խմբագիր
բ. բանաստեղծ
գ. Մանուկ աղա
դ. Արիստոն աղա

63

Տրված հատվածներից ո՞րը որ ստեղծագործությունից է:

1. – «Վարձա կն ահա, տեղ բացեք,
վարձակլ, վարդ տեղացեք.
Մազերուն մեջ, ոտքին տակ
մարգարիտնե ի լեցուցեք»:
2. Ես ուզեցի լուռ մենանալ,
Սիրել փղիքը, խորշեր բավուտ,
Սիրել կայծերն երկնի կապուտ,
Աստրվան շաղն, իրիկվան բալ,
ճակատագրիս սև զիծ կարդալ,
Խոկալ, սուզիլ, ըզմայլիլ սուտ:
3. Թույլ շրջյուն մը, հետո բույր մը մշկենի.
Եվ համրագին գիրքը ձեռքես կ' իյնա վար.
Երազներու պերճուիին է որ կ'անցնի,
Ու կը փորի ծովակն հոգվույս՝ մեղմավար:
4. Կ'ըլլան մարդիկ, որ լացող մը չ'ունին,
Անոր համար Նա դրրավ այդ լուսին.
Եվ մահամերձն ալ կ'ուզե երկու բան,
Նախ՝ կյանքը, վերջը՝ լացող միր վրան:
1) 1-զ, 2- ա, 3-դ, 4-ք
2) 1-ք, 2-ա, 3-դ, 4- զ
3) 1-զ, 2-դ, 3-ա, 4-ք
4) 1-ք, 2-դ, 3-ա, 4-զ

64

Բառերից քանիսո՞ւմ հնչյունափոխություն կա.

այյակ, ուխտադրուժ, պատանյակ, ազնվական, լուսաբաց, աղեխարշ,
պետականություն, թթվահամ, երգչախումբ, նստակյաց, անբասիր, հնչեղ:

65

Հոմանիշների քանի՞ եռյակ կարող է կազմվել տրված բառացանկից.

շավիղ, կերուխում, պատրվակ, օճորք, առիթ, խրախճանք, զղջում, ձեղուն, քեֆ,
արահետ, առաստաղ, կածան:

66

Քանի՞ անկախ դերքայ կա տրված հատվածում:

Տեղ է հասել ու տեսել, որ կնոջ ներկայությունը տղաներին ոգևորել է, նրանց
թմրած ջերը կենդանացրել, և յուրաքանչյուրը կարծում է՝ նրա ուզածն ինքն է:
Եկել են խանութ՝ առևտուր անելու, գիտեն՝ ինչ են առնելու և ինչքան: Խանութին
մոտենալիս պառավներից մեկը, ճանաչելով մեզանից սերվածին, փորձել է խոսքի
բռնվել, բայց հանդիպել է նրա խայրող հայացքին ու հետ կանգնել իր
մտադրությունից:

67

Նշել այն նախադասությունների համարները, որոնցում պարագա ստորադաս նախադասություն կա:

1. Նրանք հավաքվեցին խարույկի շուրջը, հենց կրակի բոցերը մի փոքր մեղմացան:
2. Երբ հասան լեռնաշղթայի փեշերին, երեխաները ցրվեցին տարբեր կողմեր:
3. Թեպետ Մարատը գործը կատարում էր անթերի ու արագ, տնօրենը դարձյալ
դժգոհում էր:
4. Բոլորը հասկացան՝ հենց Արամայիսը խանգարեց գործի կարգավորմանը

68

Նշել այն շարքերի համարները, որոնցում ճիշտ համապատասխանեցված տրված բառերի արևելահայերեն և արևմտահայերեն տարրերակները:

1. սկլերոզ – կարծրախտ
2. դեմագոգ – համայնավար
3. կոնունիստ – ամբոխավար
4. սուրյեկտիվ – առարկայական
5. ռեալիզմ – իրապաշտություն
6. օբյեկտիվ – ենթակայական

69

Նշել հատվածների ճիշտ հաջորդականությունը:

1. Ըշտապելուց թե են առել,
Դարձել թերև թիթեռներ..
2. Որտեղ ճրագ, որտեղ կրրակ,
Որտեղ լույս է հենց վառվում...
3. Ասում են, թե՝ էն Փարվանա
Զահիլներն են սիրավառ...
4. Ու տակավին հուր տեսնելիս
Մեջն են ընկնում անհամբեր...
5. Ասում են՝ էն թիթեռները,
Որ գիշերվա խավարում...
6. Հավաքվում են, շուրջը պատում,
Մեջն են ընկնում խելագար...

70

Տրված 6 պնդումներից յուրաքանչյուրի համար ընտրի՛ր Ճիշտ է, Սխալ է, Չգիտե՞ս տարրերակներից որևէ մեկը:

1. Բոլոր անկախ դերբայները կարող են կատարել որոշչի պաշտոն:
2. Բոլոր անկախ դերբայները կարող են կատարել ժամանակի պարագայի պաշտոն:
3. Անորոշ դերբայը կարող է հանդես գալ բաղադրյալ ստորոգյալի կազմում:
4. Անորոշ դերբայը կարող է կատարել որոշչի և հատկացուցչի պաշտոններ:
5. Անորոշ դերբայը գործիական հոլովով կարող է դառնալ ձեզ, ժամանակի և տեղի պարագա:
6. Հարակատար դերբայը կարող է կատարել ձեզ պարագայի, ժամանակի պարագայի, որոշչի պաշտոններ: